

Sohibjon H. UMMATALIEV,
*Doctoral Student of IRCICA Department of
Islamic History and Source Studies of the
International Islamic Academy of Uzbekistan.
A.Kadiri str. 11, 100011, Tashkent, Uzbekistan.*
E-mail: Sohibjonommataliev91@gmail.ru

АҲМАД АЛ-БАЛАЗУРИЙНИНГ ИЛМИЙ МЕРОСИ ҲАҚИДА

О НАУЧНОМ НАСЛЕДИИ АХМАДА АЛЬ-БАЛОЗУРИ

ABOUT THE SCIENTIFIC HERITAGE OF AHMAD AL-BALAZURI

КИРИШ

VIII–IX асрларда аббосийлар давлатида тафсир, калом, ҳадис, фикх илмлари қаторида тарих илми ҳам шаклланди. Бу даврда яшаган муаррихлар асосан тарихни ўрганишда баён услубидан фойдаланган. VII аср воқеалари ровийлар орқали етиб келган оғзаки ҳикоялар асосида баён этилади. Мазкур хабарлар аксарият ҳолларда уламолар ва турли диний фирмә – гуруҳ вакиллари томонидан жамланганилиги сабабли уларга ортиқча субъектив талқин берилган. Шунинг учун VIII–IX асрларда ёзилган тарихий манбаларни ўрганишда муаллифнинг қайси диний гурухлар, ижтимоий табақаларга тегишли эканлигига алоҳида эътибор бериш зарур, чунки муржийлар, умавийлар, шиалар, аббосийлар, хорижийлар ва бошқа ҳарбий-диний гурухларга мансуб муаллифлар томонидан ёзилган манбалар ўртасидаги тафовутли маълумотларни қиёсий ўрганиш ҳақиқий воқеликни тиклашда катта аҳамиятга эга (Б. Абдухалимов, 2004).

Илк ислом тарихини ўрганишда Мухаммад ибн Исҳоқ ал-Маданий (699–769), Абдулмалик ибн Ҳишом (ваф. 833), Мухаммад ибн Умар ал-Воқидий (747–823), Али ибн Мухаммад ал-Мадений (752–843), Мухаммад ибн Саъд (784–845), Халифа ибн Ҳайёт (ваф. 854) каби тарихчиларнинг асарларини санаб ўтиш мумкин (Қ. Зоҳидов, 2013).

Аҳмад ибн Яҳё ибн Жобир ибн Довуд ал-Котиб ал-Бағдодий ал-Балазурий аввалгилардан бўлиб арабларнинг фатҳ урушлари ҳақида ҳикоя қилувчи маҳсус тарихий асар ёзган. Балазурийнинг асл

келиб чиқиши форс бўлган, деб тахмин қилинади. У шоир ва тарихчи ровий бўлган, кўп ҳажвий шеърлар ёзган. Унинг Жобир исмли бобоси араб тилини яхши билган ва Миср ҳукмдорининг котиби бўлиб хизмат қилган. Аҳмад ибн Яҳё аббосийлар давлати пойтахти Бағдод шаҳрида туғилиб ўсган. Унинг куняси “Абул-Аббос”, “Абу Жаъфар”, “Абул-Ҳасан” ёки “Абу Бакр” бўлган (ан-Надим, 1997).

АСОСИЙ ҚИСМ

Ўрта аср тарихчиларидан Мухаммад ибн Абдус ал-Жаҳшиёрий (ваф. 943) “Китаб ал-вузаро вал-куттаб” (ал-Жаҳшиёрий, 1988), Абул-Ҳасан Али ибн ал-Ҳусайн ал-Масъудий (896–957) “Муруж аз-захаб” (ал-Масъудий, 2005), Мухаммад ибн Исҳоқ ан-Надим (ваф. 990) “ал-Фиҳрист” (ан-Надим, 1997), Али ибн Ҳусайн ибн Асокир (1105–1176) “Дамашқ тарихи” (Асокир, 1995), Ёқут ибн Абдуллоҳ ал-Ҳамавий (1178–1229) “Муъжам ал-удабо” (ал-Ҳамавий, 1993), ибн ал-Адим исми билан танилган Камолиддин Умар ибн Аҳмад (1192–1262) “Буғя ат-талаб фи тарихи Ҳалаб” (ал-Адим, 2008), Шамсиддин Заҳабий (1274–1348) “Сияр аълам ан-Нубала” (Заҳабий, 2006), Мухаммад ибн Шокир ал-Кутбий (1287–1363) “Фават ал-вафаёт” (ал-Кутбий, 1973), Салоҳиддин ас-Сафдий (1296–1363) “Китаб ал-вафий бил-вафёт” (ас-Сафдий, 2000), И smoil ибн Касир ад-Димашкий (1301–1372) “ал-Бидая ван-ниҳая” (ибн Касир, 1997), Ҳожи Ҳалифа (1609–1657) “Кашф аз-Зунун” (Ҳожи Ҳалифа, 1981), Ибн Ҳажар ал-Асқалоний (1371–1449) “Лисон ал-мийzon” (ал-Асқалоний, 2002) каби китобларида Балазурий ҳақида маълумот берилган.

Ёқут ал-Ҳамавий хабар беришича, тарихчи ҳақида Абу Бакр ас-Сулий (880–947)нинг “ал-Вузаро” асарида ҳам маълумот келтирилган (ал-Ҳамавий, 1993). Бироқ тадқиқот давомида асарнинг кўлёзма ёки замонавий нусхаси учратилмади. Абу Бакр ас-Сулий ўзи надим вазифасида ишлаган (ал-Бағдодий, 2001), ва ўзидан олдинги надимлар ҳақида, жумладан, ал-Балазурий тӯғрисида “ал-вузаро” асарида маълумот берган. Илк ўрта аср тарихчиларидан Абу Убайдуллоҳ Мухаммад ибн Имрон ал-Марзбоний (910–994) ҳам “Муъжам аш-шуаро” (ал-Марзбоний, 2006) асарида ал-Балазурий ҳақида зикр қилган. Бироқ асарнинг Аҳмад ибн Яҳё ҳаётига оид қисмлари асарнинг мавжуд кўлёзма ва замонавий нусхаларидан

Аннотация: Мақолада IX асрда араб халифалигидаги илмий муҳит хусусан, бу даврда тарих илми ҳақида сўз боради. Аҳмад ал-Балазурӣ ҳам мазкур асрда яшаган ижодкорлардан бири бўлиб, тарих ва адабиёт соҳаларида илмий фаолият олиб борган. Мақолада Аҳмад ибн Яхъя ал-Балазурӣ ҳаёти ҳақида маълумот берган тарихчилар, уларнинг асарлари, ал-Балазурӣ нисбасининг келиб чиқшиши, у ҳақида тарихчи ва тадқиқотчиларнинг хуносалари, ушбу нисба билан ўрта асрларда ижод қиласалар, Аҳмад ал-Балазурӣнинг Багдоддаги фаолияти, устозлари ва шогирдалари ҳақидағи маълумотлар, тарихчининг илм олии учун Шомга бориши, у ердаги устозлари, сўнг Багдодга қайтиши ва халифа саройида надимлик вазифасида ишилаши каби масалалар ёритилган. Шунингдек ал-Балазурӣнинг илмий фаолияти, унинг “Футух ал-булдон”, “Ансоб ал-ашроф”, “Аҳду Ардашер” каби асарлари тўғрисида маълумот берилган. Аҳмад ал-Балазурӣнинг тугилиши, Шомга сафар қилиши, у ердан қайтиши каби воқеаларнинг вақти ўрганилган манбаларда аниқ кўрсатилмаганлиги сабабли қиёсий таҳлил қилиниб, тахминий сана қайд этилди. Алломанинг бугунги кунгача етиб келган ва замонавий наширда чот қилинган “Футух ал-булдон” ва “Ансоб ал-ашроф” асарларига алоҳида ургу берилди. Уларнинг мавзуси маркабий қисмлари, Гарб ва Шарқ тадқиқотчилари томонидан ўрганилиши, қўллэзмалари, наирлари ва таржималари ҳақида сўз юритилди.

Калит сўзлар: Илк ислом тарихи, ал-Балазурӣ, ал-Масъудий, фатҳ, Муҳаммад ибн Исҳоқ ан-Надим, Ибн Асокир, нисба, Ёқут Ҳамавий, Semecarpus anacardium, халифа Маъмун, шеър, ҳадис илми, Ирак, Шом, халифа Мутаваккил, надим, Футух ал-булдон, Ансоб ал-ашроф.

Аннотация: В статье рассматривается научная среда Арабского халифата IX века, особенности исторической науки этого периода. Ахмад аль-Балазури один из творческих людей, живших в этом столетии и осуществлявших научную деятельность в области истории и литературы. В статье приводятся сведения о жизни Ахмада ибн Яхъя аль-Балазури, его трудах, этимологии имени аль-Балазури, выводах историков и исследователей о нем, ученых, творивших в средние века с таким титулом - аль-Балазури, .деятельность Балазури в Багдаде, его наставники и ученики. Также в статье говорится о поездке историка в Сирию в целях обучения, его учителях там и последующем возвращении в Багдад, где он работал в должности «надима» при дворце халифа. Также, в статье освещается научная деятельность Балазури, в частности: «Футух ал-булдон», «Ансоб ал-ашроф», «Аҳду Ардашер». Дата рождения Ахмада аль-Балазури, его путешествия в Дамаск и возвращения оттуда в изученных источниках не уточняется, поэтому был проведен сравнительный анализ и зафиксирована приблизительная дата. Особое внимание уделялось «Футух аль-Булдан» и «Ансаб аль-Ашраф», которые сохранились до наших дней и опубликованы в современных изданиях. Обсуждались составляющие их части, их изучение западными и восточными учеными, а также их рукописи, публикации и переводы.

Ключевые слова: Ранняя исламская история, ал-Балазури, ал-Масъуди, покорение, Муҳаммад ибн Исҳоқ ан-Надим, ибн Асокир, относительность, Ёқут Ҳамавий, Semecarpus anacardium, халиф Маъмун, стих, наука хадисов, Ирак, Шам (Сирия), халиф Мутаваккил, надим, Футух аль-булдон, Ансоб аль-Ашраф.

Abstract: The article deals with the scientific environment of the Arab Caliphate in the ninth century, especially the history of this period. Ahmad al-Baladhuri was also one of the most influential scholars of the century, who worked in the fields of history and literature. In the article, historians who gave information about the life of Ahmad ibn Yahya al-Baladhuri, their works, the origin of the al-Baladhuri ratio, the conclusions of historians and researchers about it, the scholars of the Middle Ages with the same nisbah, Ahmad al-Baladhuri's scholarly activities in Baghdad, his teachers and students, the historian's trip to Damascus while seeking knowledge, his teachers there, and then his return to Baghdad, and his work as a nadim in the caliph's palace.

There is also information about al-Baladhuri's scholarly activity, his works such as «Futuh al-Buldan», «Ansab al-ashraf», «Ahdu Ardashier». The date of Ahmad al-Baladhuri's birth, his journey to Damascus, and his return from there were not specified in the sources studied, so a comparative analysis was made and an approximate date was recorded. Special emphasis was placed on Futuh al-Buldan and Ansab al-Ashraf, which have been preserved to the present day and have been published in modern editions. The article discusses the components of their subject, their study by Western and Eastern scholars, and their manuscripts, publications and translations.

Keywords: History of early Islam, al-Baladhuri, al-Mas'udi, conquest, Muhammad ibn Ishaq an-Nadim, Ibn Asakir, nisbah, Yaqt al-Hamawi, Semecarpus anacardium, Caliph Ma'mun, poetry, science of hadith, Iraq, Sham, Caliph Mutawakkil, Nadim, Futuh al-buldan, Ansab al-Ashraf.

топилмади (ал-Марзбоний, 2006). Ахмад ибн Яхё ал-Балазурый ҳаёти бир неча тарихчиларнинг асарларида келтирилиши унинг қанчалик ишончли тарихчи эканлигини кўрсатади.

Ўрта асрларда тарихий мавзуда кўплаб асарлар ёзилган. Бироқ уларнинг ижоди маълум бир гурух ва жамоа манфаатини акс эттирганлиги учун кейинги даврларда асар ва унинг муаллифи эътибордан четда қолган. Ал-Балазурый асари эса, ҳеч қандай гурух мафкураси учун хизмат қилмаган. Шунинг учун тарихчилар барча даврларда унинг асарларидан фойдаланган ва тазкира асарларида тарихчи ҳаётига оид маълумотлар баён қилинган.

Ахмад ибн Яхёнинг “ал-Балазурый” нисбаси тўғрисида турли маълумотлар учратиш мумкин. Ибн ан-Надим уни балазур (بَلَذْر) меваси номи билан боғлаган. Ахмад ибн Яхё умрининг охирида касалликка чалинган ва шифо топиш учун балазур мевасидан истеъмол қилган. Бироқ у Ахмадга салбий таъсири қилган ва шу сабабли васваса ва руҳий тушкунликка тушган. Шунинг учун у “ал-Балазурый” деб ном олган (ан-Надим, 1997). Ибн Асокир, ибн ал-Адим ва ибн Касир Ахмад ибн Яхё ҳаётининг охирида руҳий тушкунликка тушганлигини айтган. Лекин балазур меваси ёки “Балазурый” нисбаси ҳақида маълумот бермаган. Ёкун Ҳамавий маълумотига кўра, балазур мевасини Ахмад ибн Яхёнинг бобоси Жобир ибн Довуд истеъмол қилган ва “Балазурый” деган ном олган (ал-Ҳамавий, 1993). Демак, “Балазурый” нисбаси Ахмад ибн Яхёга ота боболарида мерос бўлиб қолган. Мухаммад ибн Шокир ал-Кутбий ва ибн Ҳажар Асқалоний ҳам Ибн ан-Надим каби фикр билдирган.

Бугунги кунда балазур дарахти “Semecarpus anacardium” (“ёнғоқ дарахти”) деб номланади. Дарахт Ҳимолай тоғларида ва Ҳиндистоннинг иссиқ миңтақаларида табиий ҳолда ўсади. Балазур дарахти мевасидан кир ювиш воситаларини тайёрлашда фойдаланилади. XVI асрда кимёвий ўғит сифатида ишлатилган. “Semecarpus anacardium” европаликлар томонидан “маркировка ёнғоғи” деб номланган. Меваси пишганда ёқимли ва ширин бўлади, аммо кора мева заҳарли бўлиб, уни истеъмол қилса ёки унинг қатрони терига тегса, кучли аллергик реакцияга сабаб бўлади. У овқат ҳазм қилиш тизими билан боғлиқ касалликларни даволаш ва балғамни мувозанатлаш учун ишлатилади. Шунингдек, у ақлий ва жисмоний қувватни ошириш хусусиятига эга. Қизил-тўқ сарик қисми

йигилиб, күёшда қуритилади. У ярим қуритилганидан кейин истеъмол қилинади (Puri, 2003).

Тарих фанлари номзоди Г. Гоипов IX–Х асрларда Тохаристоннинг Боғлон вилоятида “Баладур” номли жой бўлганини айтиб, Ахмад ибн Яхёнинг бобоси шу минтақадан Бағдодга кўчib борганлигини ва шундан сўнг унга ва унинг авлодларига “Баладурый” нисбаси берилганини зикр қилган (Г. Гоипов, 1987). Бироқ бу фикр илмий асосга эга эмас. Чунки ўрта аср тарихчиларидан бирортаси “Балазурый” нисбасини жой номи билан боғламаган. Иккинчидан, барча тарихий асарларда “ал-Балазурый” нисбаси кайд этилган. Агар худудга нисбатан ном берилганида ал-Баладурый шаклида келиши керак эди.

Ўрта асрларда “Балазурый” нисбаси билан ижод қилган бошқа олимлар ҳам бўлган. Масалан Абу Мұхаммад Ахмад ибн Мұхаммад ат-Тусий ал-Балазурый (ваф. 950) мазкур нисбада ижод қилган. У ҳадис илми ва ваъз-насиҳатда ўз даврининг кўзга кўринган олимларидан бўлган (Самъоний, 1988). Бироқ манбаларда унинг нима сабабдан ал-Балазурый нисбасини олгани айтилмаган. Шамсиддин Заҳабий ва Абу Саъд ас-Самъоний (1113–1166) Ахмад ибн Яхёни “катта Балазурый”, Абу Мұхаммад Ахмад ибн Мұхаммадни “кичик Балазурый” деб номлаган. Бироқ манбаларни ўрганиш давомида улар ўртасида кариндошлик ёки бошқа тарафдан боғлиқлик кузатилмади.

Шундай қилиб, “ал-Балазурый” нисбаси ўсимлик номидан олинган деб айтиш мумкин. Чунки деярли барча ёзма манбаларда шу маълумот келтирилган. Бироқ уларда ўсимликни ким истеъмол қилганлиги борасида якдил фикр мавжуд эмас. Бундан ташқари ўсимликка соҳа мутахассислари берган таъриф ҳам унинг инсонга салбий таъсири борлигини тасдиқлайди. Бироқ унинг фойдали жиҳати эътиборга олиниб, истеъмол қилинган. Шунингдек, “ал-Балазурый” нисбасида Ахмад ибн Яхёдан бошқа олимлар ҳам машҳур бўлган.

МУҲОКАМА

Ахмад ибн Яхё ал-Балазурий туғилган сана манбаларда аниқ келтирилмаган. Бироқ Ибн Асокир берган маълумот ал-Балазурийнинг милодий VIII аср охири ёки IX аср бошида Бағдодда туғилганига гувоҳлик беради. Тарихчи

Ибн Асокир “Тариху мадинати Димашк” асарида Ахмад ибн Яхё халифа Маъмун (813–833)ни мадҳ этувчи шеърлар ёзганини айтади (Асокир, 1995). Ўша даврда халифа саройида шоирлик даражасига эришиш учун камида 20 ёш ёки ундан каттароқ бўлиш кераклиги инобатга олинадиган бўлса, ал-Балазурӣ VIII аср охири ёки IX аср бошларида туғилган. Г. Гоипов шунга таяниб ал-Балазурӣ тахминан 810–812 йилларда таваллуд тонганини айтади (Г. Гоивов, 1987).

Ахмад ибн Яхё отаси ва бобоси сингари аббосийларнинг Бағдоддаги саройида юкори мавқега эга бўлган. Тарихчи мазкур шаҳарда Аффон ибн Муслим (752–835), Ахмад ибн Иброҳим ад-Даруқий (784–860), Муҳаммад ибн ас-Соббах ад-Давлоний (768–841), Али ибн ал-Мадиний (778–844), Абдуллоҳ ибн Солиҳ ал-Ажалий (798–875), Абу Убайд ал-Қосим ибн Саллом (774–838), Али ибн Муҳаммад ал-Мадиний (752–843), Усмон ибн Аби Шайба (ваф. 853), Мусъаб аз-Зубайрий (773–851), ал-Воқидийнинг котиби Муҳаммад ибн Саъд (784–845), Абдул-Аъла ибн Ҳаммод (ваф. 851), Муҳаммад ибн Хотам ас-Самин (ваф. 849), Аббос ибн Ҳишом ал-Калбий (ваф. тахм. IX аср), Аббос ибн ал-Валид ан-Нурсий (ваф. 852), Шайбон ибн Фарруҳ (757–850), Абдул-Вахид ибн Ғиёс (ваф. 854), Амр ибн Маймун ан-Ноқид (ваф. 849), Исҳоқ ибн Истроил (767–859), Абу Робиль аз-Захроний (ваф. 848), Ҳалаф ал-Баззор (767–844), Ҳавза ибн Ҳалифа (743–831) ва бошқа олимлардан таълим олди (Ал-Балазурӣ, 1996). У устозларидан китобат (котиблиқ), шеър ва насаб илмларини ўрганди. Ал-Балазурӣ ўзининг ilk қасидаларида халифа ал-Маъмун (813–833)ни мадҳ этади (Н. Насруллаев, 2020).

Ал-Балазурӣ ҳадис илмида ҳам муҳаддислар орасида алоҳида ўринга эга бўлган. Ундан Муҳаммад ибн Ҳалаф ибн ал-Марзбон (ваф. 921)¹, Ахмад ибн Абдуллоҳ ибн Аммор (ваф. 926)², Яъкуб

¹ Муҳаммад ибн Ҳалаф ибн ал-Марзбон – Имом, аллома, ахборий. Зубайр ибн Баккор, Ахмад ибн Мансур ар-Румодий, Муҳаммад ибн Аби ас-Сиррий ал-Аздий ва бошқалардан ҳадис ривоят қилган. Шамсиддин Захабий “Сияр аълам ан-нубала” асарида келтиришича Муҳаммад ибн Ҳалаф “Ал-хавий фи улум ал-Қуръан”, “Ҳамосийя”, “Ахбор аш-шуаро” каби асарлар ёзган.

² Ахмад ибн Абдуллоҳ ибн Аммор – унинг “Муқотил ат-толибин” номли асари бўлган. Ахмад ибн Абдуллоҳ Усмон ибн Аби Шайба, Сулаймон ибн Аби Шарҳ, Исҳоқ ибн Аби Истроил, Муҳаммад ибн Довуд ва бошқалардан ҳадис ривоят қилган.

ибн Наъим ибн Қарқора ал-Арзаний (тахм. ваф. IX аср)³, Абдуллоҳ ибн Аби Саъд (812–887)⁴, Яхё ибн ал-Мунжим (ваф. тахм. X аср боши)⁵ каби муҳаддислар ҳадис ривоят қилган (Ал-Балазурӣ, 1996).

Аллома Ироқда ўз даврининг кўзга кўринган уламоларидан илм олганидан сўнг билимини янада зиёда килиш учун Шомга сафар қилди. Бу даврда Шомда сийрат ва ҳадис илмини тобеинлардан ўрганиб, мазкур илмларда нафақат ўзлари яшаётган худудда, балки ислом дунёсида машхур бўлган устозлар фаолият юритар эди. Шунинг учун ал-Балазурӣ илм олиш учун Шомга борди. Тарихчининг қачон сафар қилганлиги ҳақида аниқ маълумот кузатилмайди. Унинг Шомдаги илмий фаолияти тахминан 833–847 йиллар орасида бўлган дейиш мумкин. Чунки Ахмад ибн Яхёнинг халифа Маъмун, халифа Мутаваккил (847–861) ва ундан кейинги халифалар даврида Бағдодда бўлганлиги ҳақида маълумот бор. Бироқ халифа Муътасим (833–842) ва халифа ал-Восиқ (842–847) даврида тутган ўрни зикр қилинмаган. Шундан хуласа килиб айтиш мумкинки, ал-Балазурӣ мазкур икки халифа даврида Шомда яшаган.

Ахмад ибн Яхё илм талабида Шомнинг бир неча шаҳарларига сафар қилади. Ҳусусан, Дамашқда Ҳишом ибн Аммор (770–859)⁶, Умар ибн Саъид ад-Димашқий (759–839)⁷, Ҳимса

³ Яъкуб ибн Наъим ибн Қарқора – муҳаддис ва котиб бўлган. Али Мусо ар-Ризодан ҳадис ривоят қилган ва имомийлик ҳақида асар ёзган.

⁴ Абдуллоҳ ибн Аби Саъд – унинг тўлиқ исми Абдуллоҳ ибн Амр ибн Абдураҳмон бўлиб, Абу Муҳаммад ал-Варрок кунияси билан машхур бўлган. У Балҳда туғилган ва Бағдодда яшаган. Ҳусайн ибн Муҳаммад Марвазий, Муовия ибн Амр, Аффон ибн Муслим, Сулаймон ибн Ҳарб ва бошқалардан ҳадис ривоят қилган. Ундан Абдуллоҳ ибн Аби Дунё, Абдуллоҳ ибн Муҳаммад ал-Бағавий, Муҳаммад ибн Ҳалаф ибн ал-Марзбон ва бошқалар ҳадис ривоят қилган. Абдуллоҳ ибн Аби Саъд Самуррода вафот этган (Хатиб Бағдодийнинг “Тарихи Бағдод” китобидан).

⁵ Яхё ибн ал-Мунжим – адаби ва мутакаллим. Аксар манбаларда Яхё ибн Али ал-Мунажжим номи билан зикр қилинган. Аббосий халифалар ва сулола вакиллари надими сифатида фаолият юритган. Халифалардан ал-Муътазид (892–902) ва ал-Муктафий (902–908) даврида надимлик вазифасида ишлаган.

⁶ Ҳишом ибн Аммор ас-Сулламий – ўзи яшаган даврда Дамашқ ахлиниң муфтийси, хатиби ва муҳаддиси бўлган. Имом ал-Бухорий “ал-Жоме ас-Сахиҳ” китобида, Абу Довуд, ибн Можа ва Абу Исо Термизий Сунан асарларида ундан ҳадис ривоят қилган. Имом ал-Бухорий ундан тўртта ҳадис ривоят қилган.

⁷ Умар ибн Саъид ад-Димашқий – ахборий. Ундан Мовароуннаҳр ва хуросонлик Муҳаммад ибн Исҳоқ ас-Софоний (796–883), Ахмад ибн Мехрон ал-Исбаҳоний (ваф. 1038), Абдуллоҳ ибн Юсуф ал-Хутталий (тахм. ваф.

Мұхаммад ибн Мусоффа ал-Ҳимсий (ваф. 860)⁸, Антокияда Мұхаммад ибн Абдурахмон (ваф. 857)⁹ дан дарс олади (ал-Ҳамавий, 1993).

Ал-Балазурий Шомдан қачон қайтганлиги хам манбаларда көлтирилмаган. Шундай бўлсада, тарихчи илм олган шаҳарлар ва у шаҳарлардаги олимлар вафот этган вақтга асосланниб, унинг сафари 857 йилгача давом этган деб айтиш мумкин. Чунки Аҳмад ибн Яҳё таълим олган жой номлари тартибида Антокия охирги ўринда зикр қилинади. Ушбу шаҳарда ал-Балазурийга дарс берган Мұхаммад ибн Абдурахмон 857 йили вафот этган.

Муаррих Шомдан туғилиб ўсган юрти Бағдодга эмас, аббосийлар халифалигининг янги пойтахти Самуррода қайтади. У қайтанида тафсир, ҳадис, насаб илми, шеърият, лугат, нахв илмларидан чукур билимга эга эди. Ал-Балазурий санаб ўтилган илмларни ўрганиш учун бир неча йил вақт сарфлади. Шундан кейин халифа саройидаги илмий жамоага қайтадан қўшилди. У халифа Маъмун даврида ўз истеъодини кўрсатишга ҳаракат қилган, бироқ ёшлиги ва тажрибасизлиги сабабли халифанинг шоирлари билан баҳслаша олмаган эди.

Халифалик бошқаруви ал-Мутаваккилга утганида мўътазилийларни сиёсий вазифадан четлатиш ва аҳли сунна уламоларининг мавқеини тиклаш бошланди. Шундан сўнг Аҳмад ибн Яҳё ҳам халифанинг шоирлари жамоасига қўшилиш имконига эга бўлди. Халифалик саройи шоирлари асосан халифалар, вазирлар ва давлат кўмандонларини мадҳ этувчи шеълар ёзиш билан шуғулланган. Мутаваккил даврида уларга ал-Бухтарий аш-Шомий раҳбарлик қилган. Ал-Балазурийнинг шеърлари фақат мансабдор шахсларни мадҳ этишга эмас, балки уларга ҳажвий йўл билан масъулиятини эслатиб қўйишга қаратилган эди. Шунинг унинг ижодида руҳий тарбияга оид мавзуларни учратиш мумкин (ал-Адим, 2008).

IX аср) каби мұхаддислар сабоқ олган.

⁸ Мұхаммад ибн Мусоффа ал-Ҳимсий – ҳофиз ва мұхаддис. Ундан Иброҳим ибн Саид ал-Жавхарий, Абу Довуд ас-Сиқистоний, Абдуллоҳ ибн Абдурахмон ад-Доримий, Аҳмад ибн Саҳл ан-Найсобурий ва бошқалар ҳадис ривоят қилган.

⁹ Мұхаммад ибн Абдурахмон – мұхаддис. Имом ал-Бухорий “ат-Таърих ал-кабир” асарида уни Абу Исҳоқ ал-Физорийдан ҳадис эшигтанлиги ҳакида маълумот берган. Ҳатиб ал-Бағдодий ва ибн Ҳажар ал-Асқалоний Мұхаммад ибн Абдурахмон ишончли мұхаддислардан бўлганини айтган.

Аллома халифа Мутаваккилнинг надими¹⁰ даражасига кўтарилиган (ас-Сафдий, 2000).

Аҳмад ал-Балазурий халифалар Мутаваккил (847–861), Мустаъин (862–866), Мұттазз (866–869) билан дўстона муносабатда бўлди. Манбаларда унинг халифа Мунтасир (861–862) билан алоқаси ҳакида маълумот кузатилмади. Эҳтимол, унинг халифалик даври қисқа ва сиёсий низоларга тўла бўлгани учун нафақат ал-Балазурий, балки бошқа адиллар билан хам шеърий мажлисларда қатнаша олмаган. Лекин у халифа Мустаъин (862–866) нинг яқин кишиларидан бири эди. Халифа Мұттазз (866–869) ўғилларидан бири Абдуллоҳи¹¹ тарбия қилишни Аҳмад ибн Яҳёга топширган (Ал-Балазурий, 1996).

Аҳмад ибн Яҳёнинг халифа Мустаъин олдида даражаси кўтарилишига сабаб бўлган воқеалардан бири манбаларда зикр қилинади. Унда айтилишича, халифа шоир ал-Бухтарий аш-Шомийнинг халифа Мутаваккил ҳақидаги бир шеърини айтиб, ким ўзи ҳакида шу каби шеър ёзса, уни мукофотлашини ваъда қилади. Кўп фурсат ўтмай ал-Балазурий Мустаъинни мадҳ этувчи шеър ёзди ва халифанинг мукофотига сазовор бўлади (ас-Сафдий, 2000). Ибн ал-Адимнинг келтиришича, халифа совға сифатида шоирга 7000 динор пул берган ва уни сақлаб туриб, муҳтоҷ бўлганида ишлатишни буюрган. Бироқ олим берилган пулни эҳсон қилиб юборган (ал-Адим, 2008). Албатта бу воқеа шоир ва тарихчи ал-Балазурийнинг юксак истеъодод эгаси бўлганини кўрсатади. Халифа ўша давраги сиёсий ҳолатни ҳисобга олиб, алломага берилган пулни ўзи учун асраб қўйишини тайинлаган, бироқ у эҳсон қилишни афзал кўрган.

Халифалар ал-Мұхтадий (869–870) ва ал-Мұтамид (870–892) хукмронлиги даврида у моддий жиҳатдан қийин аҳволда қолган (ал-Ҳамавий, 1993). Эҳтимол, унинг бу ҳолатга тушишига мансабдор шахсларни ҳажв қилиши сабаб бўлган. Чунки ал-Мұтамид даврида ундан ҳатто дўстлари ҳам юз ўгиради (Ал-Балазурий, 1996).

Шундай бўлса-да, Аҳмад ибн Яҳё илмий ва ижодий фаолиятини тўхтатмади. Айнан шу даврда (868–869) ал-Балазурий ўзининг “Футух

¹⁰ Надим – бугунги кундаги вазир ёки маслаҳатчи ўрнидаги давлат мансаби.

¹¹ Абдуллоҳ ибн ал-Мұтазз – аббосий халифаларидан бири. У 861 йил Бағдодда туғилган. Абдуллоҳ шоир ва адаб бўлиб, шеъриятда “ал-бадиъ” илмига асос солган. У 909 йили Муртазо биллаҳ номи билан халифа бўлган. Бироқ бир кун ҳам ўтмай ўлдирилган. Араб шоирлари унга бағишлаб марсиялар ёзган.

ал-булдон” (“Мамлакатларнинг фатҳ этилиши”) номли тарихий асарини ёзишга киришади. Асар “Футух ал-булдон ас-сағир” деб ҳам номланади. Бироқ Мұхаммад Шокир ал-Кутбий, Ёқут ал-Хамавий, Салоҳиддин ас-Сафдий ва ибн ан-Надим улар алохида асар бўлганини айтадилар ва “Футух ал-булдон” асарини “Китоб ал-футух”, “Футух ал-булдон ас-сағир” асарини эса, “Китоб ал-булдон ас-сағир” деб номлайдилар.

Ибн ан-Надимнинг “Ал-Фиҳрист”, Ёқут ал-Хамавийнинг “Муъжам ал-Удабо”, Салоҳиддин ас-Сафдийнинг “Китаб ал-вағій бил-вағійят” асарларида келтирилишича, ал-Балазурӣ “Китоб ал-булдон ал-қабір” (“Мамлакатлар ҳақидаги катта китоб”) номли асар ҳам ёзган, лекин у охирига етказилмай қолган ва бугунги кунгача етиб келмаган.

Аҳмад ал-Балазурӣ “Китоб ансоб ал-ашроф” (“Шарафли инсонларнинг насаблари ҳақида китоб”) номли асарнинг ҳам муаллифи (ал-Кутбий, 1973). Асарнинг маълум қисми 1884 йили Германиянинг Тюбинген шаҳрида “Ўн биринчи жуз” номи билан нашр этилди. 1938 йили Куддусда асарнинг тўртинчи ва бешинчи жузлари чоп қилинади. 1959 йили Қоҳирада Мұхаммад Ҳамидуллоҳ (1908–2002) томонидан китобнинг биринчи жузи, 1973 йили Байрутда Мұхаммад Бокир ал-Маҳмудий (1935–1980) томонидан асарнинг иккинчи жузи нашр қилинди. 1978 йили Байрутда Доктор Абдулазиз ад-Даврий (1919–2010) китобнинг аббосийлар даврига тегишли қисмини нашр эттирди. 1979 йили Доктор Иҳсон ал-Амад (1932–1995) асарнинг Абу Бақр Сиддик ва Умар ибн ал-Хаттоб ҳаётига оид қисмини Кувайтда нашр қилди. “Ансоб ал-ашроф” асарининг тўлиқ нашри 1996 йили Байрутда Дар ал-ғиқр нашриётida Суҳайл Заккор (1936–2020) ва Риёз Абдуллоҳ ибн Зубайр-Зириклий томонидан 13 жузда амалга оширилди (Ал-Балазурӣ, 1996).

“Ансоб ал-ашроф” асарининг 1996 йилда чоп этилган нашрига китобнинг қуйидаги қўлёзма нусхалари асос қилиб олинди:

1. Работ нусхаси. Мазкур қўлёзма Марокаш пойтахти Работ шаҳридаги ҳалқ кутубхонасида 79 ракам остида сақланади. У китобнинг бошқа нусхаларига нисбатан тўлалиги ва мукаммаллиги билан ажралиб туради. Қўлёзма 1261 йили Дамашқда Аҳмад ибн Мұхаммад ибн Абдуллоҳ ал-Мосулий томонидан кўчирилган. Котиб китобни кўчиришда ўз даврида мавжуд бўлган қадимий нусхалардан фойдаланган.

2. Истанбул нусхаси. Ушбу қўлёзма Истанбулдаги Сулаймония кутубхонасида 598 ракам остида сақланади. Қўлёзма 1711 йили Аҳмад ибн Ҳасан Ашмовий томонидан Дамашқ нусха асосида кўчирилган.

3. Мулкийя кутубхонаси нусхаси. Қўлёзманинг бу нусхаси ҳам Марокаш пойтахта Роботда, Мулкия кутубхонасида 6914 ракам остида сақланади. Ундан факат учинчи жуз таҳқиқида фойдаланилган. Мазкур нусха чиройли мағрибий хатида ёзилган (Ал-Балазурӣ, 1996).

“Ансоб ал-ашроф” асарида Одам алайҳиссаломдан то Мұхаммад (с.а.в) даврларигача бўлган араб қабилалари шажараси, Мұхаммад (с.а.в) нинг пайғамбарлик фаолияти, Мұхамма алайҳиссаломнинг қариндош-уруғлари ва ўша даврда машхур бўлган араб қабилалари наасблари ҳақида маълумот берилган. Шунингдек, асарда умавий ва аббосий халифалар наасби, хорижийлар ҳаракати баён қилинган. Асар бобларида ёритилган мавзулардан билиш мумкинки “Ансоб ал-ашроф” илк ўрта асрларда яшаган машхур араб қабилалари ва уруғларининг наасблари, ўша даврда юз берган сиёсий-ижтимоий ҳаёт ҳақида маълумот берувчи қимматли манба ҳисобланади.

Мұхаммад ибн ан-Надим асарни “Китаб ал-Ахбор вал-ансоб” (ан-Надим, 1997), ибн ал-Адим “Ансоб ал-ашроф” (ал-Адим, 2008), Ёқут ал-Хамавий ва Салоҳиддин ас-Сафдий “Жумалу наасаб ал-Ашроф” (ал-Хамавий, 1993), (ас-Сафдий, 2000), Шамсиддин Заҳабий “ат-Тарих ал-қабір” (Заҳабий, 2006) номлари билан зикр қилган. Ибн ал-Адим асарни таърифлаб шундай деди: “у мазмунли ва фойдали китоб бўлиб, ал-Балазурӣ вафоти сабабли тугалланмай қолди”. Ушбу таърифдан билиш мумкинки асар муаллиф ҳаётининг сўнги йилларида ёзилган ва ниҳоясига етмай қолган.

Аҳмад ал-Балазурӣ таржимонлик фаолиятини ҳам олиб борган ва форс (паҳлавий) тилида ёзилган бир қатор асарларни араб тилига таржима қилган. Хусусан, у “Китоб аҳд Ардашир” (“Ардашир ҳукмронлиги ҳақида китоб”) номли қадимги эпосни араб тилига шеърий усуlda таржима қилган (ан-Надим, 1997).

Аҳмад ал-Балазурӣнинг аник вафот этган вакти маълум эмас. У умрининг охирида чалинган касаллиги туфайли ал-бимористон (البيمارستان), яъни касалхонага тушиб, ўша ерда вафот этган. Тарихчилар унинг вафоти ал-Муътамид (870–892) ҳалифалигининг охирида ёки ал-Муътазид (892–902) ҳалифалигининг аввалида бўлғанлигини зикр

қиладилар (Ибн Касир, 1997). Шунинг учун унинг вафоти 891 ёки 892 йилга нисбатан қилинади.

Ал-Балазурийнинг “Футух ал-булдон” (“Мамлакатларнинг фатҳ этилиши”) асари арабларнинг фатҳ юришлари ҳақида хикоя қилювчи маҳсус ёзилган дастлабки асарлардан биридир. Унинг ҳозирги кунгача етиб келган матни 622 йилдан 869 йилгача бўлган давр ичидаги юз берган воқеалар баёнини ўз ичига олади. Асарда арабларнинг турли мамлакатларда олиб борган фатҳ урушларидан ташқари у ерларнинг маданияти, дини, ҳукмдорлари, иқтисодий ва ижтимоий ҳолати, арабларнинг бошқарув тизими, хирож йигими, пул-молия сиёсати ва бошқа масалалар ҳақида ҳам маълумотлар келтирилган.

НАТИЖА

Асар биринчи марта голландиялик шарқшунос Михаил Ян де Гуе (1836–1909) томонидан 1866 йили Лейденда нашр этилди. Шу нашр асосида 1901, 1932 йиллари Қохирада чоп этилди. Мазкур шаҳарда 1956, 1958 йиллари Салоҳиддин ал-Мунжид томонидан таҳқиқ қилинди. 1957, 1978, 1983, 1987, 1991, 2000 ва 2013 йиллари асар Байрутда нашр қилинди (Ал-Балазурий, 1996). “Футух ал-булдон” асари 1884 йили лотин тилига таржима қилинган эди. Кейинчалик 1916 йили Филип Ҳури Ҳитти томонидан инглиз тилига (Hitti, 1916), 1924 йили Кларк Моргиттен томонидан франсуз тилига (Al-Baladhuri, 1924), 1917–1924 йиллар давомида Оскар Решер томонидан немис тилига (O. Rescher, 1917), китобнинг бир қисми 1967 йили форс тилига таржима қилинади. Асарнинг айrim қисмлари турли йилларда бир неча шарқшунослар томонидан рус тилига таржима қилинган. Ҳусусан, Иордания ва Фаластин тарихига оид қисмларини 1897 йилда Н. Медников (Н. Медников, 1897), Озарбайжон ва Арманистон худудларига тегишли қисмини 1927 йилда П. Жузе (П. Жузе 1927), Ҳурсон тарихага оид қисмларни 1939 йилда С. Волин (С. Волин, 1939), Туркманистон ва унга кўшни худудларни 1960 йилда Л. Куббеля ва В. Матвеев (Л. Куббеля, В. В. Матвеева, 1960) ҳамда 1968 йилда Л. Надирадзе (Л. Надирадзе, 1968) таржима қилган (Г. Гойбов, 1987).

“Футух ал-Булдон” асарининг бугунги кунда 3 та қўлёзма нусхаси мавжуд. Улардан энг қадимиysi Америка Қўшма Штатларининг Нию Хавен шаҳридаги Яле университети кутубхонасида сакланади. Қўлёзма Ландберг бўлимида 1262

ракам остида бўлиб, бошқа нусхаларга нисбатан қадимиyllиги билан ажралиб туради. Унинг котиби Абу Муҳаммад Абдуллоҳ ибн Аҳмад ал-Фарғоний (ваф. 973) тарихчи Муҳаммад ибн Жарир ат-Табарийнинг шогирди бўлган. У ат-Табарийнинг “Тарих ар-русул ва ал-мулук” асарига қўшимча “Зайл тарих ат-Табарий” номли асар ёзган (Lynch, 2020). Ушбу қўлёзма қадимий бўлишига қарамай, асарнинг замонавий нашрларида унга мурожаат қилинмаган. Рян Ланч 2020 йилда нашр қилинган “Футух ал-Булдон” асари тарихшунослиги ҳақидаги монографиясида қўлёзманинг Яле университети нусхаси ҳақида илмий жамоатчиликка маълум килди (Lynch, 2020).

Асарнинг яна бир нусхаси 623/1226 йилда Аҳмад ибн Ниъма ал-Муқаддасий (1179–1269) томонидан қўчирилган. Мазкур қўлёзма нусхаси бугунги кунда Лейденда 430 ракам остида сакланади (Al-Beladsori, 1866). Асарнинг учинчи қўлёзма нусхасини 1447 йили Алоуддин ал-Кудсий аш-Шофеъий (тахм. ваф. XV аср) қўчириган (ал-Балазурий, 1987). У 23264 инвентар раками остида Лондондаги британия музейида сакланади.

Ҳурсон ва Ўрта Осиё ҳақидаги маълумотларни ал-Балазурий Абу Убайда Муаммар ибн ал-Мусанно ал-Балхий (728–824) ва Абу Ҳасан Али ибн Муҳаммад ал-Мадоиний (ваф. 843) каби тарихчи ровийларнинг сўзидан баён этган. Улардан ташқари муаллиф ўзининг Сурия шаҳарлари бўйлаб қилган сафари давомида учрашган у ёки бу воқеанинг қатнашчилари ва шоҳидларининг тилларидан ҳам маълумотлар келтирган. Асадан тарихда мавжуд бўлган, лекин бугунги кунда йўқ бўлиб кетган ёки номи ўзгарган жой номлари ҳақида маълумот олиш мумкин.

ХУЛОСА

Ал-Балазурий ўзининг асарида келтирилган тарихий маълумотлардан фойдаланишда уларга танқидий ёндашган. Шунинг учун бу асар фатҳ урушлари ва араб халифалигининг тарихи бўйича ҳаққоний ва ишончли манба ҳисобланади. Ҳасрда яшаган тарихчи ал-Масъудий бу асардан кенг фойдаланган ва унга юксак баҳо бериб, “Китобда Шарқ ва Ғарбдаги, Шимол ва Жанубдаги ўлкалар васф қилинди. Биз мамлакатларнинг фатҳ этилиши ҳақида ёзилган бундан яхши китобни билмаймиз”, деб айтган (ал-Масъудий, 2005). Ибн ал-Адим асарни “Мамлакатларнинг фатҳ этилиши ва уларнинг бошқаруви” деб номлаб, унда кўп фойдали

маълумотлар борлигини таъкидлаган (ал-Адим, 2008). Бу асар биз учун алоҳида аҳамиятга эга, чунки унда арабларнинг турли мамлакатларда олиб борган ҳарбий юришлари ва Араб халифалигининг илк давридаги сиёсий ва ижтимоий-иктисодий тарихи акс этган. Бу асар илк ислом тарихи билан шуғулланувчи ҳар бир мутахассис учун ибн Жарир ат-Табарий (839–923)нинг “Тарих ар-руслул вал-мулук” асари сингари энг муҳим маънаси сифатида ётироф этилади.

Шундай қилиб, Футух ал-булдон асари мусулмон ўлкаларининг VIII–IX асрлар тарихи хақида маълумот берувчи қимматли асар ҳисобланади. Унинг ўрта аср тарихчилари ва бугунги кун тадқиқотчилари томонидан ўрганилиши китобнинг аҳамиятини кўрсатади. Асарда келтирилган Ўрта Осиё тарихига оид маълумотлар илк ўрта асрларда юртимизда мавжуд бўлган шаҳарлар, ҳалқлар, уларнинг урф-одатлари ва маданиятини ўрганишга ёрдам беради.

МАНБА ВА АДАБИЁТЛАР РЎЙХАТИ

1. Куббеля Л., Матвеева В. Арабские источники VII-X веков. Древние и средневековые источники по этнографии и истории народов Африки южнее Сахары, 1960.
2. Al-Baladhuri. The Origins Of The Islamic State // Translated by Francis Clark Murgotten. – New York: Columbia University Press, 1924.
3. Al-Beladorsi. Liber expugnationisregionum / editor: M. J. De Goeje. – Leiden: Lugduni Batavorum, 1866.
4. Hitti, P. K. The Origins of the Islamic State: Translation with Annotations Geographic and Historic Notes of the Kitāb Futūh al-Buldān of al-Imām abul-Abbās Aḥmad ibn-Jābir al-Balādhuri. – New York: Columbia University Press, 1916.
5. Lynch, R. J. Arab Conquests and Early Islamic Historiography TheFutuh al-Buldan of al-Baladhuri. – London: Bloomsbury publishing, 2020.
6. O.Rescher. El-Beladori's kitab futuh el-buldan. Leipzig: Otto Harrassowitz, 1917.
7. Puri, H. Rasayana: Ayurvedic herbs for longevity and rejuvenation. – London and New York: Taylor & Francis, 2003.
8. Абдухалимов, Б. «Байт ал-хикма» ва Ўрта Осиё олимларининг Бағдоддаги илмий фаолияти. – Тошкент: Тошкент ислом университети, 2004.
9. Ал-Адим, И. Буғя ат-талаффи тарихи Ҳалаб. Байрут: Дар ал-фикр, 2008.
10. Ал-Асқалоний, И. Ҳ. Лисан ал-мийзан I жуз. – Байрут: Дар ал-башаир ал-исламийя, 2002.
11. Ал-Бағдодий, А.-Ҳ. Тарихи мадинати Бағдод, – Байрут: Дар ал-ғариб ал-исламий, 2001. J. 4.
12. Ал-Балазурий. Муқаддима Ансоб ал-ашроф. – Байрут: Дар ал-фикр, 1996.
13. Ал-Балазурий А. Футух ал-булдон. – Байрут: Муассаса ал-маориф, 1987.
14. Ал-Жаҳшиёрӣ М. и. Китаб ал-вузаро вал-куттаб. – Байрут: Дар ал-фикр ал-ҳадис, 1988.
15. Ал-Қутбий М. и. Фават ал-вафаёт, I жуз. – Байрут: Дару Содир, 1973.
16. Ал-Марзбоний М. и. Муъжам аш-Шуаро. – Искандария: Ал-ҳайъа ал-амма ликусур ас-сақофа, 2006.
17. Ал-Масъудий А. и. Muужж аз-заҳаб. – Байрут: Ал-мактаба ал-асрийя, 2005.
18. Ал-Ҳамавий Ё. Муъжам ал-Удабо – Байрут: Дар ал-ғариб ал-исломий, 1993. J. 1.
19. Ан-Надим М. и. Ал-Фихрист. – Байрут: Дар ал-маърифа, 1997.
20. Асокир А. и. Тариху мадинати Димашқ. – Байрут: Дар ал-фикр, 1995. J. 6.
21. Ас-Сафдий С. Китаб ал-вафий бил-вафаёт. – Байрут: Дар ихё ат-турос ал-арабий, 2000. J. 8.
22. Гоибов Г. Завоевание Хорасана (Извлечения из сочинения «Футух ал-булдан»). – Душанбе: издательство “Дониш”, 1987.
23. Жузе П. К. Книга завоевания стран, из соч. Балазори. Пер. с арабского П.К. Жузе. – Баку: Обследования и изучения Азербайджана, 1927.
24. Заҳабий Ш. Сияр аълам ан-Нубала. – Қоҳира: Дар ал-ҳадис, 2006. Ж. 10.
25. Зоҳидов Қ. Ислом тарихи. Ўқув қўлланма. – Тошкент: Тошкент ислом университети нашриёти, 2013.
26. Ибн Касир И. Ал-бидая ван-ниҳая. – Байрут: Дар ихё ат-турос ал-арабий, 1997. J. 11
27. Надирадзе Л. Текст приводится по изданию: Хрестоматия по истории Халифата. – Москва: МГУ, 1968.
28. Медников Н. Палестина от завоевания ее арабами до крестовых походов по арабским источникам. Православный палестинский сборник, 1897
29. Насруллаев Н. Манбашунослик. Дарслик. – Тошкент: Наврӯз, 2020.
30. С. Волин. Извлечения из «Китаб футух ал-булдан» ал-Балазури. – Москва: ИАН СССР, 1939.
31. Самъоний. Ал-ансоб. – Байрут: Дар ал-жинон, 1988. Ж. 1.
32. Ҳожи Ҳалифа. Кафш аз-Зунун. – Байрут: Дару ихё ат-турос ал-арабий, 1981. Ж. 1.

